

Fasnacht 2002

Basler Bebbi Basel Stamm



Make love not war BUMSFALLERA

1. The fact

D'Schnauze voll vo Hiobsbootschafte,
Schreggensbilder wo gnapp kasch vergrafte.
Verbrennti Äärde, Miinefälder
und Flugzigdrimmer in dunggle Wälder.
Me zaigt Tunnelreere as Ooferoor
oder staatlig understitsde Bombeterror.
Tod und Verdäärbe griecht us de Lecher,
nur d'BaZ druggt dr Wurzel noch und necher.

"Graabegrieg" isch wenn si di weggt,
will`s Fuudi zwische de Madratze steggt.

2. The answer

As Andwoort uf die Schregge
kasch Mensche numme wegge
mit Gfyyt, Liebi und Friidensmärsch,
passé sinn die Spass-Gsellschaftsärsch.
Mir sueche d'Mitti, e Meer voll Rue
und kiffe is ab em Midaag zue.
Dr Hendrix wurd unsri neyi lkoone,
Janis Joplin dien mir hundert mool kloone.
Hätt är Jesus-Fingge und e Raschda-Friise,
bekämmt i bim Blocher nit immer e Griise.
I fordere mee Hippie fir`s Vaterland,
"Love and Peace" im Bluemegwand.

Luftkampf ist die hohe Kunst!
Ab 6 Uhr früh wird zurück gebumst.

3. The solution (3 days of peace and music)

Dr Waan vom Osaman as Cheftaliban,
isch wie dr Mladic uf em Balkan,
e Menschheits-Gau und gruusig.
Do isch "3 days of peace and music"
die ainzig Leesig zem iiberduure,
pfyffe und drumme statt numme druure!
Mir drumme und bummle dur d'Stadt,
und finde Fummle au ganz glatt.
Denn Woodschogg oder d'FABA,
bringe unseri Wallige aba!

Im "Stelligsgrieg" isch dä dr gschiggt,
wo am Schluss den oobe ligt.

4. The lifestyle-hippie

As Neyzyt-Hippie fyyt i mi wool
mit Lifestyle-Drooge voll im Gool.
Tora Bora goot wyt an mir duure,
wie au am Schorsch W. sini Schnuure.
Lennon, McCartney for President!
Wäär 2 mool mit dr Glyyche pennt,
dä gheert scho zem Estäblischment.
Mit wyte Grääge und blueme Hoose,
ka mir dr Gucci in d'Schieli bloose.
Dr Trend isch gsetzt und d'Absicht guet,
mit Yuppies hänn mir nyt am Huet.

E "Roorgrepierer" isch nit famos,
doo goot dr Schuss in dr Bichse los.

5. The trip I (introduction)

Postyellowgäals Swisscomblau,
dr Durscht isch grien, dr Alddaag grau.
Mit goldige Falschirm in rooti Zaale,
bruuni Loosige fir d'Anale.
E wyssi Weschte drotz schwarzem Gäld,
grieni Bolitig fir e rosa Wält.
"I gsee Farbe!" dangg LSDeee.
Am Ziirisee sait d'Swissair adee.
Uff Wiidersee Expo, ojeminee!
Dä Pilletrip, dä isch phersee,
faarbig zwar, aber nie passé.

E "Gfächtskopfschmierig" mit vyyt Fett
drängt dr Gäägner zugg in's Bett.

6. The trip II (headlong fall)

Hippie?!? Kai Leesig fir die Zyt?
Zytgaischt haisst hit, bschiss dini Lyt.
Drum zien i no ne Gugge iine:
"Oooooooooiii, lueg d'Sunne duet schiine."
Zrugg ze lange Hoor um's Oor,
mir sinn gsellschaftlig e Gfoor.
Volles Roor !?&%\$! I bi ganz zue,
vor mir stoot e veieletti Kue(?).
Wszn ds, Kiffe glyych (=) Sääge und Hail,
mir sinn gail und begraabe`s Griegsbail.
Immer und allewail, ganz stail.
Däää Trip faaart yyyyy,
däää Shit isch glyyy
die Leesig fir Afgaanischdaan.
Opiumexport statt Waffewaan!
Oh Mister Taliban,
`s Lääbe isch e Achtibaan.

"Noochkampf" mit dr Barbara,
isch ussichtsloos, vo afang aa.

7. The awakening

Hippie-Anarchie ooni Waffe
duet e besseri Wält lo schaffe.
Liebi und Wärmi sinn glaini Schritt,
freie Sex dr groove Hit!
Doch z'vyyt Shit und äänligi Drooge
blooge`s Hiirn, aber nit Demagooge.
Isch jede Moorge numme e Quaal,
blybt zuedreene dini ainzigi Waal,
denn hesch ebbis nit begriffe,
Hippie sii heisst mee as kiffe.

Vom Mäntig Oobe bis am Mittwuch
demorge stoot unseri Gugge au am Minschterplatz.